

詠
懷
堂
外
集

外集自敘

蓋聞才逐情生情從境感興有
所會響亦隨之故蘭亭曲水紀
逸事于流觴桃葉春江嘽香喉
于柔艣長安多古意遊絲將啼

鳥爭妍。麗日照皇洲。艸色與蜻
蜓俱醉。酬茲勝日。藉厥新聲。亦
有楓森巫峽。葉落洞庭。女蘿睇
笑。寒山鬼之雲容。寶瑟淒清。泣
幽靈于湘浦。斯則宋玉對以愁。

生。雍門感之淚下者矣。若夫水
清月吐。霜滿煙平。凌波皓腕。拾
海月兮石華。吸沆絳唇。和流鈴
于松籟。颯沓轉空林之梵。蕭條
爲半嶺之聲。斯則塵慮唐捐。清

機渡露。幽人曠抱。微有可宣。以
至高館。張燈。動離思。千琴瑟。旗
亭折柳。惜行李。乎驪駒。水咽河
梁。天長雲樹。旣登高而送遠。復
感夢以懷人。此柴桑所以有靄

靄之章。商陵因而臻。悠悠之慨。
也。其餘勦兒飲馬。倡婦彈箏。或
葡萄美酒。舞龍劍于帳前。或綵
綵花裙。啼鳳聲于屏下。薰朱鵲
以博山之焰。啼烏白于合歡之

株下至鬪雞躡柳。飛堦藏鈎。樂
有多端。咏難一例。要以情鍾。我
輩樂所自生。無慮江令之花繁。
莫遣參軍之才盡。萬籟號而鏘。
簌竝奏。秋水至而瀾。洵齊盈而

又何必較量乎工拙按覆以神
理也哉

石巢阮大鍼漫題

詠懷堂詩外集目錄

甲部

早春至平等菴憶宗白遊吳

同楊順賢吳元啓宗白循元牛首山閣步顓

隣初先生壁間韻

送吳大年還新安覲省期以春晤

久客歸坐雪石巢開門人鄧簡之書并見懷

作二首

定情詩二首

詠懷堂詩

外集

目錄

謝呂司馬豫石招飲二首

贈朱白石二首

過柏城精舍同宗白雪葉論詩盡日二首

羣社初集共用羣字

東吳闍生明府

趙侍御二瞻陳駕部白安移樽江上相別

寒月全損之公穆宗白泊三山江上

懷百子山

三山方爾止至全損之公穆宗白月下集舟

中得蒲字

送當塗徐明府松濤入覲

舟次憶家園兄弟

送劉宜之北上應試

穀日爲太恭人禮懺入山因坐青蓮閣偶

成二首

譚別駕見紳以失職待訊全其令子客院逾

年雪中賦慰二首

寄贈滄州戴孝廉應星

走筆寄懷价人應試南都二首

寄輓博羅韓寅仲先生二首

春雨感懷寄木公密緯逸少

寄懷方君瞻

寄懷廬州吳太守淡玄

盧大叅楚白見枉俶園二首

首夏郊居貢或自敬亭相訪同諸詞人小集
初晴礪中同若仲六長散步逢家衡之兄入

山相訪

寄田郡伯三峨

潘將軍太宇防皖得代代之日軍民皆不能
別也

鄒觀察靜長久以書訊便中附謝荷艇乃從
靜長淨業遊時事今如隔世矣二首

感舊寄莫方伯寅賡湖上二首

送又漢東遊

答袁稚圭寓江州見訊兼柬王臬使遂東丁

文學元大二首

再送方侍御崧生北行

壽吳客卿先生七十

寄懷高州畢別駕

壽何先生澹餘七十

偶答友人見訊

慈姥湖旅夜懷子卿風雨之和州二首

黃侍御了素以江州詩見寄賦答

感時賦謝仲茅先生

趙二瞻左左漆二使君招全李戒菴集古林

菴

送馬中丞岫旭移鎮皖上

送姚司寇岱芝 予告歸雲間

趙侍御二瞻携樽過朱宗侯琢吾水亭二首

東答貴池楊廣文贊皇

黎比部爾瞻見訊賦答

爾瞻言其鄉袁計部環中保障功索賦賦此

東以冲玉華兩先生

戈給諫敬輿過訪不值賦此

爾瞻以丁南羽畫羅漢卷索題

壽陳母胡孺人六十

雨中仝仁植坐元甫遙集堂飲奕兼訂宛陵
行

壽張秀亭偕配六十

題沈巨山謝懷閣

再慰方時生

壽俞文學其章尊人南金偕配六十

東張二無尚璽二無昔之八月任秋泊皖口

便遊匡廬余媿未襍被同行也二首

范仲闇以遊華山詩刻見示賦謝二首

送王梅和使君乞養歸滄州四首

哭潘木公四首

新晴同以冲先生坐弘濟禪院石閣

壽弘宇上人七十

園憩二首

多寶菴全清隱看月卽送其入楚還訂浮渡

遊三首

贈胡衛幕玄度

真州晤張繩海同年

舟行將抵家趙裕子以詩贈別依韵賦答

江浦署中旅酌

田間卽事二首

還山東虎仲幼玉長秀豹叔山甫大方諸子

壽錢爾卓先生六十

宗白刺舌血寫經二首

石門秋汎無題四首

依韵答錢虎仲春日見懷四首

竹下同劉樗隱張損之對局

新秋招殷徵卿過山齋因譚楚中山水之可

遊者二首

山居同徵卿偉長共賦四首

宗白結夏海嶽菴訊之二首

江上送張揚伯憲副繇楚之粵西任二首

村翁見招止之飲

徐仲衡文學過訪

答黃四長客楚書訊

山居微枯上人從江上過訪

重九前二日馬時良宮詹繇楚履南院任二

首

同前之弟宿平等菴看月

賦得寒燈靜溪屋

初冬集多寶菴得林字

秋日坐宗白竹房過止水菩提蘭若二首

百子山別業六首

萬松菴

喜張鳴玉自白下至爲葺俶園

喜何舅悌孝廉見訪因讀其遊匡廬詩二首
留別大方豹叔二首

寄訊張楊伯憲副粵西

同大方損之長子叔衡之兄集之弟素園得

威字

社集大方酒可齋得廻字

村晏

輓會稽太守齊越石先生二首

歲晏蒼密觀見訪

出山詩

晚次舒城仝程搏仲張損之衡之兄前之弟

夜酌

寄訊游肩生侍御客石頭城二首

次臨淮楚友曹長卿自石城來送賦別二首

寒食雨

大店驛別搏仲社兄

彭城東史倉曹盡卿

寄懷劉敬仲乘憲曹州

過廣川飲謝奉常青墩園中二首

訊范奉常質公廬居

寄訊白瑕仲山中

讀吳師每倪鴻寶爲質公賦古盤吟因作歌

信宿質公繡硯齋賦別

荷露歌爲質公歌兒賦戲作長吉體

過雄縣堤上

崔饑仲宰易陽有善政兼讀其諸刻二首

宴鹿菴相國西郊桴居六首

劉燕及先生招飲梅川四高樓

過閔汶水茗飲

乙部

還山詩十四首

舟次別陸都閫鳴野王淵泓朱殷如二孝廉

懷止水宗白清隱小止諸上人二首

莫園東余駕部集生

宿集生睡渡閣

采石遲曹元甫

同實甫衡之兄九華南陵道中作

送劉徑石北上二首

秋雨送區啓圖陳路若遊廬山

送任憲副士彥奉太夫人赴濟南任

石巢菴月下全璩山甫夜話二首

答方駕部潛夫書訊二首

李潛山庚白以詩見問用韵賦謝

寄訊瑩公寓錫蓮花菴兼期入城爲諸學人

說法

秋杪吳幼玉劉長秀謝莫京招集水雲蘭若
得孤字

送吳梅墩倅忠州四首

杜退思夜集退思將之溧陽廣文任

別退思二首

全張鳴玉方大方吳庸之宗白前之弟酌共
一金字

村居宗白自江上來對雪二首

山閣仝宗白看雪感舊

至日雪後長子叔携酒見過同衡之兄賦

余自甲子春溪畔鳩嶺一官再起七十日捧

檄歸矣流言蜚及里中文學者舊走臺爲

白三代倘存余飲羽如飴也詩以志感三

首

汪君酬光含萬長子叔集集團得髯字

江上仝豹叔前之送王爾翼北上

詠懷堂詩

夕集

十金

夏夜集殷眉原光舍萬篁裏得開字

送顏祥止閩遊卽起居家樵川公

宗白讀書應化菴寄憶

改築集園詩六章

余谷王貽詩見訊兼有藤杖之惠期以登壽
入城依韻報之

壽游郡伯羽儀二首

杜于皇自臨臯省其尊人于溧陽儒署見訪

賦贈二首

至後吳栗仲過訪感懷卽東曹元甫同年
雪後戴德充過訪惠以製畫并訂黃山遊
謝耳伯門人陳不盈以詩見投止飲

趙侍御二瞻過訪俶園畱飲

用韵答陳潛山蝶菴見贈二首

壽游覺之六十

林六長自嶺南來見訪并訂往浮渡看石蓮
答賈方伯孔瀾

寄懷葉震隱同年分憲楚中二首

齊价人以祐聖觀賦詩相正依韵賦答

喜李煌客嶺南來見訪

方聖羽四十初度二首

送諸門人應試南中二首

送何不毀還閩

寄懷謫居友人

吳子遠遊姑蘇旋金陵應試書至賦答二首

泊荻港東方都閩龍望

遲侍御之來招飲賦謝

納姬金陵客久有懷諸兄弟

壽陶擎玉偕配六十

登蛾眉亭

鑾江舟中喜劉爾敬慧玉叔侄至二首

舟中初度口占

真州晤馬侍御千里感賦

祝勉之孫益仲見訪止飲小園

壽蔣二陵六十

飲方良一文學閣上

栖霞月夜示恒覺

出攝山

賀徐侍御夢麟公子捷黔闡

女史顧眉生善畫與曹子玉甚歡賦贈

久客還山堂

答張澹士見訪二首

送陳葵若入吳訪周司理五溪

書訊姚侍御心甫

秋雨同方聖羽夜酌兼閱其含山館中近撰

二首

計無否理石兼閱其詩

寄懷王東鄉雲石

山居憶豹叔

送汪用章還楚

答吳子遠見訪二首

雪夜山酌用損之韵

歲暮柬謝明府修吉

送周子久還冶父

癸酉元日

楊守戎子儀失職寓蕪湖以書相訊感舊賦
寄

淮海舟行留歌兒于湖陰素伎

平等菴同闇生明府周子久宗白夜話

龔直指瞻鳳過訪叔園留飲二首

訊超乘上人自江南移錫寶善菴禁足

答蜀僧談佶以詩見投

壽王方伯梅和二首

送瞿遊擊劍灘歸楚

宴汪中翰士衡園亭四首

阻風清谿慰仲立公穆

虞學憲來初築園甚適招余泊元甫往遊先
之詩

次采石赴元甫東遊之約先詩爲趣

京口江行

泊丹陽先東來初學憲二首

題虞來初豫園八首

詠懷堂詩

外集

目錄

十四

贈顧生

雨中赴吳充符招二首

羅繡銘張元秩從采石泛舟真州相訪遂集

寤園小酌二首

淮海舟行感所見二首

抵高郵徐水部準明以治水出卽放舟至淮

上

客真州范壘卿太蒙枉存賦謝二首

答前之弟詩訊

廣陵納姬自賦催妝四首

歲晏喜潘木公錢無可渡江相訪二首

朱中丞明京書訊賦謝二首

寄李季重大叅分臬荆楚二首

王梅和使君督運北行便還滄州遙賦帆園
之勝兼以志別二首

謝羅穉白假寓秦淮納姬

雨中集黃若木殷徵卿潘木公楊龍友水閣

小飲二首

俞駕部仲茅招集爰爰園并讀其園解有賦

二首

答閔士行韓姬命林若撫六長見訪一首

謝郭侍御丹葵招飲

壽彭天錫配史孺人四十

上巳趙二瞻郭丹葵二侍御招飲蕤慈湖

贈崔都閫元愷二首

三月十五夜客秦淮聽女史李澹生度曲並

奏絲竹諸技六代風流空餘煙艸莫愁桃

葉賴此香魂當不寂寞也遂作詩

雨中宿祠山道院嚴羽士房

雨泊姑孰同徵卿博仲益仲肅應舟中小酌
謝王方伯梅和招飲芝墩

壽密觀上人六十

歲暮同衷朴過訪日卿山甫村居見畱聞時
事有感

歲盡得袁公參書賦答二首

楔日赴曹元甫同年九子江之期四首

止宿瑕仲新築山館贈諸令嗣

舟次別元甫

江舟有懷吳明府闇生兼訂石巢之遊
平等菴落成過訪宗白

大方讀書門山同前之弟過訪

張若仲久客閩至皖卽趣其還楚二首

周元修歸自汝上秦京寒水園過訪二首

長門怨

雨後郊行東吳

生

雨夜同金任夫懶鶴清隱上人小集

劉胤平使楚還移酌俶園賦謝二首

答宗白構平等菴見寄

喜宗白入城修等社得羣字

飲徐介白

初社喜闇生明府偶過得蘿字

茲園同社彥再集盛唐樓得山字呈從祖

樵川公

西一上人自匡廬見訪茗集

方坦菴過集團話舊感賦二首

謝喬大叅鳴埤見訊二首

溫直指澄虛不見枉以書代訊賦答二首

訊大方藥閣兼訂山遊

王梅和方伯督運旋書訊賦謝二首

齊价人見訪集團止飲

用韵答胤平見懷卽送其江上還朝

巖居答溫直指再訊二首

姑溪雨泊胥懷淮海彭城友人

與黃玄龍共酌

泊天門寄元甫

江雪憶家園兄弟

雪後泊清谿月中有懷宗白

依韵答劉孝廉觀欽見訪卽送其北上

慰吳明府闇生失職并邀寓集團

壽方良一四十

龍泉菴二首

十五夜西峰看月

十六夜再同諸社子西峰看月

石巢夜起看月已而雨

冬日同元甫集倪世符藕花居得疎字

出都別馬時良汪遺民二首

贈黃博士王屋

送余駕部集生 予告二首

憶石巢水雲蘭若諸衲三首

次淮陰喜家僮迎至

淮陰贈蔡遊戎生府

高郵集彭水部孝弱調鶴軒二首

感遼事四首

奉使涼州出都門

渡易水同衷朴瑕仲旅酌

滕陽道中

漢高皇廟

長安道上戲贈汪休伯二首

題李文清文學友雲館

洮州健兒行

秦中初度口占

同豹叔宗白夜集

沉香亭四首

詠懷堂詩外集

甲部

石巢阮大鍼集之著

衲子德 浩宗白較

早春至平等菴憶宗白遊吳

寒花繞巖曲。孤錫向何飛。楚嶠猿中秀。吳雲鳥外微。
林香開藥路。龕碧積苔衣。君夢如諳此。何須破夏歸。

同楊順賢吳元起宗白循元牛首山閣步顧

隣初先生壁間韵

言
吾生婚宦兩休緣。初服長容野衲連。久矣蜉蝣閱
塵世。直將鴻乙辨高天。青燈艸閣聽宵雨。黃葉山
杯煑石泉。楫桡真能忘歲月。開香何必六時蓮。

送吳大年還新安觀省期以春晤

君歸繞屋有梅花。高枕天都峰頂霞。怡老手能
大藥。望衡人爲折疏麻。時紛始悟簪纓累。身隱何
如釣弋嘉。春艸且淡江柳細。白門期與共聽鴉。

久客歸坐雪石巢。開門人鄧簡之書并見懷

作

遐矚及龍眠伊人卧紫煙雪光疑落月夢路不分
天藥澗鳴晴屐松門吐夜絃知君銓咏暇思亦竹
林懸

其二

久客理山篋開君歲晏書古風矜未敗秀句諷難
疎林淑求春鳥江暄徙霧魚幾隨磨鏡客來醉步
兵廬

定情詩

微心入何際睂上遠峰青霞爲朝粧曙香因夜語

靈通花馮一水隔渚笑雙星願得長如此簫聲響
鳳翎

其二

春山青欲近採藥路何寒自結持筐侶非徵敝席
權文情微笑處禪理澹眉端不定風花思如今幸
可安

謝呂司馬豫石招飲

嵩雒長綿五色雲其間名世胥升聞星河自衍難
分氣圖史能留未墜文道在瓊裘詢動履官閒琴

擅清芬磻溪知有餘璜在師尚應追異代勛

其二

九曲爭如砥柱何東南平莫此山河海陵治粟癯
桑撒灞上移軍細柳和幕府清風峴馬骨車門白
石簪牛歌婆娑此興尤難淺銀燭青煙照碧蘿

贈朱白石

小慧輒彌天蹄涔不自憐于君觀溟渤握手向江
煙月氣寒潮吐霜聲多鳥宜茲焉開撰酌應不媿
林賢

詠懷堂詩

夕集

三

其二

朝暮共言讞自不省途窮鉢豈因魚擊歌還爲鳳
主植交冰雪次晰義雨花中歲晏情彌勝聊當謝
谷風

過柏城精舍同宗白雪葉論詩盡日

人境終難旅謀閒就古林山扉懸寒水彌習靜居
心枕月夢恒曙馮鐘咏更深翻疑栖葉鳥歸帶市
朝音

其二

何以酬花雨空林諷咏翔筵簞心自苦菽麥辨難
荒澹旨懷蔬藿佳言敵飯香塵機無觸處銷盡竹
林狂

羣社初集共用羣字

鍾陵曾未沫靈芬光岳難分聖代文高咏各師
寒歲雪初衣交擘六朝雲霜前玉樹能迴艷燈下
名花不亂羣鼓吹如今饒衆嫵竹林聊得寄餘醺
東吳閻生明府

竹間鳳實香飲秋羣驚剝啄知匪謀萬口各能寒

碣永一官何惜春雲浮空山蘿薜閑人境晏歲雨
雪綿滄洲飯牛長夜苦不旦潮雞失唱西江流

趙侍御二瞻陳駕部白安移樽江上相別

澹月微霜皎莫分于焉樽酒惜離羣津亭投轄秉
紅燭子夜徵歌遏白雲棠樹如林寒未解梅花繞
舍夢潛芬石門卽報春山綠擬採芳蘭一寄君

寒月全損之公穆宗白泊三山江上

江空演寒月羣象入虛無但省身心在因聞鴻雁
呼明燈開筦簫激石灼樵蘇莫慮淪荒槭清琴試

可娛

懷百子山

浮家恒累月遂舂鹿門心汲水憶猿路栖煙懷鳥
林高霞徵屨切清響蓄琴溪何事迎潮月悵其霜
露吟

三山方爾止至仝損之公穆宗白月下集舟
中得蒲字

空江小泊向寒蘆洲渚微茫雁夕呼月下聞潮如
梵唄燈前剪菜卽伊蒲寒蘭不盡高丘思種林難

令下溟枯共待海門芳艸候春香一醉步兵壚

送當塗徐明府松濤入覲

青山寒不解甘棠煙鳥冰魚脊泳翔小泊琴聲喧
古雪高軒舄影入清霜陳風萋楚江鄉俗縮酒包
茅澤國香湛露歌餘春艸碧花村竹馬看騰驤

舟次憶家園兄弟

檣燈篷雨暮江情此際何堪旅雁聲南舍地暄筠
未解荒池春近艸將生雲峰夢到龍山秀潮月看
如淮漢明好流匏樽盛栢葉迴艫卜夜與同傾

送劉宜之北上應試

雪霽梅花香正繁，看君征馬向平原。
星藜更曙前薪火，聖酒新酣季雅樽。
桑土定知煩借箸，苞稂還爲達臨軒。
漁竿已穩滄江夢，聊望公車効大言。

穀日爲太恭人禮懺入山因坐青蓮閣偶成

永祝南陔日，齋心禮化城。
兼之苦塵役，迫此愛山情。
冰弱通泉脉，林高越鳥聲。
悠然感香雨，天女鬢華生。

其二

一氣當誰辨身光與翠微遙看城市裏朝暮碧煙
飛喻法寒谿雪觀名野樹暉清機隨所觸晚磬益
依依

譚別駕見紳以失職待訊仝其令子客皖逾
年雪中賦慰

澤國東風早羈栖脊向隅靈芬難可問優孟復何
須夢外嶽雲秀情中海月孤

譚東海人

謫居看整暇詩

禮待庭趨

其二

直黜知無憾南冠未忍論永懷向松菊再歲歷芳
蓀春雪門長掩宵鐘諷尚存蕭蕭依古寺疏水卽
君恩

寄贈滄州戴孝廉應星

江天晴雪漾輕颺安道遙牽千里思碣石詩成將
問海上林賦奏幸同時櫻桃珠壓青絲籠楊柳煙
開赤羽旗自肴宮鶯啼恰恰雙柑何必聽黃鸝
走筆寄懷价人應試南都

詠懷堂詩

外集

甲部

七

山猿叫秋月此際亦思君國士方扞策明時復右
文宥虛鐘鼓饗遂覺咏觴分得意鳴茄鷺來喧皖
口雲

其二

自君之出矣日夕坐芳塘渙艸謝時輩涼風追上
皇文魚隨月騰白雁挾雲翔余亦懷京邑三山共
褰裳

寄輓博羅韓寅仲先生

五柳歸來物外身擁書萬卷不嫌貧政成康樂疏

山地隱就師雄入夢神擊筑永懷燕市酒加餐
煩問澤中綸傳聞雙燕迴翔路來往無驚石洞塵

其二

香雪羅浮萬樹繁于焉蛻骨亦何尊騎箕此日歸
纏次挂劍何年向墓門謝豹春聲啼石竹麒麟秋
夢枕山蓀佳兒景宋能爲侶作賦親招鵬舍魂

春雨感懷寄木公密緯逸少

然疑明聖世蠕蠕動黃巾野戍乖農務官徭及釣
緡且尋榆社酒莫負若洲春努力陳牛飯慵書獻

大臣

寄懷方君瞻

春山青滿目。君隱向何雲。
著艸文心壯。瞻蒲稽事紛。
恬嗟惟鳥和。勝日測蜂分。
可憶研奇字。狂歌盡夕曛。

寄懷廬州吳太守淡玄

淝水春風引綠蕪。使君五馬飲清湖。
但聽花下鶴鳴靜。不畏城頭烏尾遶。
白羽譚兵麾部曲。絳紗退食擁生徒。
治平第一元家譜。宴錫行看冠虎符。

盧大叅楚白見枉俶園

楊柳晴風漾海門，隼旟獵獵照江村。
移軍不徙春畬火，揮羽全銷楚澤魂。
荒徑碧從苔意吐，短籬紅覺杏香繁。
何時重繫山公馬，高唱饒歌盡一樽。

其二

野人跡久隸樵漁，幕府頻年闊起居。
清露友聲黃海鶴，暄波御尾荻江魚。
久知桑土饒成算，閒過柴門問著書。
筭盡陳良話，永蕭條殊媿步兵廬。

首夏郊居貢或自敬亭相訪同諸詞人小集

春雲遙向敬亭來。石戶荒情爲爾開。好是鶯花司令候。莫辭魚笋拍浮杯。柴桑且問泉明社。芸閣還徵貢禹才。良話松風俱未已。林山暝色莫相催。

初晴礪中同若仲六長散步逢家衡之兄入

山相訪

空煙何所抑松篠亦晴吟。拾此礪中步了然溪上心。君方超艸露相共展巖琴。詎屑林塘內嚶嚶別夏禽。

寄田郡伯三峨

清風瑟瑟動門羅五馬時爲窮巷過問俗勤渠到
陽雨憂天指點眎星河絕交共悟稽生旨逢世備
賡寧戚歌白酒黃雞秋正美妬人子復奈予何

潘將軍太宇防皖得代代之日軍民皆不能
別也

國士雄風冠石城憂時投筆請長纓曾提虎旅辭
淮甸直遏狼煙至虜營楚澤黃巾爲嚙指江城白
羽旂先聲小孤不少燕然石蘸筆爲畱大樹名

鄒觀察靜長久以書訊便中附謝荷艇乃從

靜長淨業遊時事今如隔世矣

羣謠溪省亦何恩爲脫昂霄野鶴樊歲月遂爲林
壑脊雲山安得是非存青羊索我成都肆黃犬繇
他上蔡門近亦知君諳此趣臨風聊附接輿言

其二

雙魚曾問水中央字字商坪芝艸香自晒據梧同
土木遂慙報李越星霜喜無繁蝶干清夢獨此高
蟾照隱囊尚有夙遊忘不得北湖小艇汎荷觴

感舊寄莫方伯寅賡湖上

山中蘭蕙晚俱荒
冉冉懷人夢路長
三觀封霞縣
畏壘六橋夕月飲滄浪
寅賡官東省移茗上
鶴聲不爲傳呼
歇荷氣翻令案牘香
安得浮家過西塞
相從一省志和狂

其二

楸枰世事復何如
七澤倉皇急羽書
鄖國是邨成
蔓艸時賢報
主肴篋輿鱸
尊官舍猶能辦魚筍
兵廚亦未疎
江上煙雲湖上月
與君出處共干雩
送又漢東遊

伏鸞毛羽亦應殊
恥作春星繞樹烏
自有高山嘯楚調
欲從子夜挽吳趨
市中煙火尋簫客
旅次風霜醉木奴
不藉鴟夷載明月
壁光先已照菰蘆

答袁稚圭寓江州見訊兼柬王臬使遂東丁

文學元大

小閣滄江放性靈
匡廬飛翠滿柴扃
白蓮自昔繁賢社
玄艸于今繞客星
鉅鋤鄉雲長卧篋
琵琶秋月漸開亭
雙魚一致無功否
五斗應爲破獨醒

其二

煙霜隨釣有鱸魚何必江潭可卜居下溪稻香充
旅飯艸堂址在引籃輿買山將隱無彈鋏避地逢
人諱著書惟存柴桑稱逸秀秋清堪與摘芙蓉

再送方侍御崧生北行

清秋沙月滿江湍建業雙魚約未寒方叔猷看驄
馬壯步兵咏與鸞鳩安栢臺遙望標瓊樹竹里何
期澣玉盤近日楚烽聞民滅蓼香荷露繞漁竿

壽吳客卿先生七十

四朝香袞案間人歸問枯碁說法因弘景豈能專

詠懷堂詩

夕集

月
十二

十賚右丞差勿媿前身手翻貝葉應難老廚肴芝
苗未是貧更向蒲團消浩劫鉢松種取作龍鱗

寄懷高州畢別駕

題輿蚤譽冠南天高韵松明好共傳火耨村長聞
野穫欄居猺亦被清絃銅魚大可邀釐保霜蟹聊
堪拍茂先已向山廚藏百榼春風江上待鶯遷

壽何先生澹餘七十

初陽葭管報飛灰正是萊衣試舞迴 聖世自能
寬俊及高賢真勿忝宗雷杯捲忠孝名長著喬梓

文章節不摧卽此鍾陵堪陟降梅花歲歲好嚼
杯

偶答友人見訊

秦淮星聚向冰天。握手相看一莞然。辟穀自矜松
已赤。同車莫問州何玄。卿雲好暎蘆中日。霖雨還
蘇綿上田。更向桃花釣春水。鷓鴣斜日對高眠。

慈姥湖旅夜懷子卿風雨之和州

曠野悲難釋。傷君又獨征。暮帆迎汐路。雨夜惑江
聲。旣斷顛風渡。還驅疲馬行。憂時兼念友。遂覺二

言外集卷之十三
才輕

其二

亦慕端君適平生心奈何未甘淪日月遂不肖風
波意與川原極形兼霧雨和車門張燧處未卜簪
牛歌

黃侍御了素以江州詩見寄賦答

秋水樓船汎太清水犀連弩刺長鯨溯洄亦有三
巴字擊汰居然千頃情匡嶽雲峰開旆色小孤月
汝感琴聲詩來片片峨眉雪小叩漁舷和濯纓

感時賦慰仲茅先生

謫高才子例直黜腐儒言但解危時組長開勝地
樽伊濂行讓祀絳灌亦輸尊特羨鶯啼處高春正
閉門

趙二瞻左左漆二使君招仝李戒菴集古林

菴

繁花微雨閣春陰。驄馬偷閒過道林。煙艸夢含韋
曲色。露葵香飲輞川心。時殷茗椀譚逾貴。慮澹松
寮梵更深。何意帝城開白社。青蓮結伴共招尋。

送馬中丞岫旭移鎮皖土

春江芳艸積晴煙。青雀西飛宛若仙。久有威名驚
萑葦。直將樽俎寓戈鋌。射鵰士習穿楊技。買犢人
畊釀秫田。早晚饒歌喧皖口。伏波舊柱爲高懸。

送姚司寇岱芝予告歸雲間

三泖春深杜芷香。遙知鷗鷺待歸航。陶公碧柳舒
芳月。白傅青山隸艸堂。蕉鹿久嗤塵夢幻。蓴鱸新
拜主恩長。卽看簪履關羣注。未許高巖挂薜裳。

趙侍御二瞻攜樽過朱宗侯琢吾水亭

琢吾

出盆中海棠相賞

秦淮春水壯新柳
漾其間遂引高人興
來敦小閣閒燭修觴
自拓煙豁月知還
塵次無凡語惟評新
歷山

其二

幾年春夢路幸不墮塵簪
賴有烏臺彥能齊鹿苑
心絳憐花艷小碧演酒香
深不是嘶驄馬還疑集
古林

東答貴池楊廣文贊皇

芳艸因君憶遠天。高齋朝暮九華煙。吹藜太乙紗
常曙。立雪生徒履欲穿。官寄琴樽非苦海。家傳詞
賦有甘泉。懸知彤管讐書日。秘閣還堪理舊瓊。

黎比部爾瞻見訊賦答

君官大隱類東方。閒閱飛花點筆牀。松閣遙分弘
景賚。竹林還憶步兵狂。梁園艸色長通夢。桃葉鶯
聲欲媚觴。抱牘自公多暇日。詩筒知不負滄浪。

爾瞻言其鄉袁計部環中保障功索賦賦此
睢陽烽至掩孤城。保障聞資粉署英。盡解篋金治

牛酒手援桴鼓懾狐鳴霽雲飲羽猶殲醜安石園
基自卻兵試看梁園春艸綠千村買犢事深耕

東以冲玉華兩先生

春野無非綠東山著處青聊支弘景笏一禮少微
星衰鳳從來往恬魚泯醉醒長瞻鴻漸地藹藹春
雲停

戈給諫敬輿過訪不值賦此

春城柳絮已陰陰小圃煩君物外尋窮巷煙荒朱
雀艸野橋風遞碧雞吟花間覓句官鶻和客至銜

詠懷堂詩

外集

甲部

十六

孟禁月臨華省幾時封事暇相遲同響少文琴

爾瞻以丁南羽畫羅漢卷索題

天都山人繪水月西來大意從筆生白雲仙吏復
好事品題此繪水月情海霧霏微几上吐衣珠燦
爛詩中明高陽狂客興亦靜碧酒到手不敢傾齋
心漱齒花下露諷讚如撫秋琴聲點筆未已落花
至悠悠一鳥林間鳴此意忘言亦難繪無數青山
籬外橫

壽陳母胡孺人六十

庭護熠熠冒朱華永日觚稜賀燕譚鹿嶠久開仙
媼籍鸞車並集太丘家方平脊背長留瓜天女如
朋共散花寧待孟公投去轍自偕晨肇乞胡麻

雨中仝仁植坐元甫遙集堂飲奕兼訂宛陵
行

高館傍羅梧竹陰相看竟日雨沉沉銜杯共悟忘
憂旨坐隱兼銷決勝心紅葉綠堦閒飲露黃鸝隔
樹細流音敬亭更探玄暉蹟雲嶺蒼蒼猿晝吟

壽張秀亭偕配六十

天門秋水碧如煙向夕琴高控鯉旋更有麻姑來
降室爲歌平子賦歸田玄猿叅就能呼月白雀教
馴欲戾天聞道志和仙舫在采菱沽酒縱高眠

題沈巨山謝懷閣

隱侯胥遺構高擎敬亭雲樹影綠谿合猿聲清晝
聞峰霞迎諷至山響候琴分祇恐臨風際玄暉轉
憶君

再慰方時生

聖代何多故潢池警未舒時情矜拮拾峻法中樵

漁義媿齊平仲歌淡楚接輿思君授經地虹貫獄
中書

壽俞文學其章尊人南金偕配六十

丁山南

金隱處也

敬亭高隱亦何閒葛杖潘輿竝可攀豹霧爭看騰
子舍鹿門近卽在丁山風坪松響傳真誥露圃芝
香竊大還歲歲陵陽谿水綠浣花釀酒駐朱顏

東張二無尚璽二無昔之虔州任秋泊皖口

便遊匡廬余媿未襍被同行也

江月挂秋樹懷君旅泊情橘香導帆路潮響柁琴
聲露白山猿叫天清木客迎慙予多滯跡不共虎
谿行

其二

人倫推水鏡海月印珊瑚遂轉溟鵬翼來司殿虎
符禽啼風館樹螢點水塘菰官况殊寒儉文心何
太腴

范仲闇以遊華山詩刻見示賦謝

萬里峨眉雪從君腕相生能銷帳紗暑彌覺旣塵

清空翠通山響蕭寒起瀑聲悠悠對雞黍不盡古
人情

其二

濤響翻松路如通博望槎手携神女雨一澣石蓮
花碧荔啼山鬼青芝飲嶠霞因懷夙遊地雲海浩
無涯

送王梅和使君乞養歸滄州

離索誰能遣危時感倍深十年棠蔕地三徑菊荒
吟別思雲橫碣歸航月照琴銜觴增累歎不獨重

分襟

其二

春風吹野哭烽火照江干
藉肴貔貅旅終貽燕雀
安苦心甚荼蘼隻手繕泥丸
往往籌桑土憂時淚未乾

其三

荒城艱鼠雀發粟賴權宜
不是天王聖幾爲內史
危高霞騫鳥翮秋水泛鴟夷
多謝中山篋爲成澣滌私

其四

敬哉分袂旨從此戒憂
天力整桐江釣溪畔下
溟田亂餘憐艸木歸興
括山川相望秦淮夕帆園
月共妍

哭潘木公

憶與分携後褰裳約屢堅
文魚思媵月黃雀遽賓
煙潮汐期俱黍雲霞氣不
鮮平生山水思悽斷子
期絃

其二

大雅何波靡資君砥柱孤聞吟絜芳艸逸氣絕
蘆大壑風長滿空梁月易徂何堪葭莢際烟夕
鳥相呼

其三

三山延眺處雲海氣何昏白社傷蓮萎玄亭幸
艸存秋香殘橘柚春綠剪芳蓀恨不從君後修
文向帝閭

其四

塵壒懸難忍看君鶴上遊蟻柯多寵辱螭甲自
春

秋誼友荆高在佳兒儼伋因聲寄河漢天上慰
離憂

新晴同以冲先生坐弘濟禪院石間

密篠幽篁繞定龕高窓更俯瞰江潭角巾飯衲嵩
陽寺野火燒藜嬾瓚菴鉢影尚涵將曉月經行時
觸未歸嵐知君衣白當隣聖黃葉客子掃石楠

壽弘宇上人七十

庭松君手植今已漸成圍更待龍鱗長還看鶴子
飛翻經花次雨挂衲竹間暉不問桑滄劫跣趺向

翠微

園憩

千時誠足哂太隱亦隣欺惟與鸞俱伏方令鶴不疑
倘非處谿刻何以謝磷緇采采東籬菊悠然意可師

其二

何以舒微尚臨流葺水軒藕花香入夢樹色靜如村
岸聚游魚沫苔存步鶴痕繞籬多隙地隨意種芳蓀

多寶菴全清隱看月卽送其入楚還訂浮渡

遊

偶然乘月色縱步到柴關坐聽堂鐘動翻令庭樹
閒軒羅當徑竹花隱隔窗山掛錫逢支遠清言詎
忍還

其二

墻陰環古木夕翠靄沉沉宛以千巖色移之雙樹
林挑燈閒拂塵踏葉偶驚禽更述蓮峰月支筇思
不禁

浮渡有石蓮峰

其二

席掛滄洲月，筇開夢澤雲。以君西向意，當我北山
文。帆影晴空遠，猿聲旅夜聞。楚山秋翠積，歸句倘
能分。

贈胡衛幕玄度

玄度山陰人

一官秋水寄蒹葭。詞賦還分宛委霞。祿養豈爲餽
口計。俸錢半入賣漿家。署隣蕭寺聞清梵。庭有寒
柯偃暮鴉。更是妙香生案牘。霏霏仙幕隱蓮花。

真州晤張繩海同年

十年風雨嘆分襟握手能禁感慨深爲政久諳調
馬法逢時不辨獲禽心苟非肉食寧華膺未有才
人免陸沉桂醕只須相對酌江潭何必發孤吟

舟行將抵家趙裕子以詩贈別依韻賦答

遠樹平疇江上村遙知穉子候柴門逃禪久覓安
心法大隱宜蠲嫉俗言籬槿細編防竹母土花輕
剔護蘭蓀西窓夜夜聞清響風颭荷珠瀉瓦盆

江浦署中旅酌

獨酌憑誰寬旅愁燈前清影自爲儔月殘其色長

隣曙蟲冷爲聲不借秋山夢薄能延野鶴郵書先
爲達江鷗家園指顧銜杯外枕畔松風已覺稠

田間卽事

偶然適田野目寓心且欣樹樹鳴黃鳥村村屯白
雲牛閒戲陂上定波紋饁婦聞相語秧溪似
欲分

其二

農家事勤動形苦神則閒十畝但求穫餘情何所
關螢爭將暝樹月展欲晴山何事長天鳥翩翩尚

還山東虎仲幼玉長秀豹叔山甫大方諸子
大龍山中多白雲石門湖水涵秋陰雲近不離讀
書榻水清照見幽人心皖上伏鸞茲數子靈襟妙
達清音旨智仁各自導其情弋釣爲能愜微理那
堪長瘁風塵顏歸來種稻湖山間蟹螯自肥菊亦
坼一樽晨夕期追攀諸君意氣天雲薄時事需才
又如穫翻愁聯奮赤霄行令戍水雲長寂寞

錢爾卓先生六十

縱江水何冷冷蛟臺樹長青青中胥至人遂貞吉
著書萬卷睨玄亭布帆掛月澹秋水茅齋煮酒遲
春星干時恥鬻長門賦隱居靜閱山海經風塵四
合天冥冥昔之朝肆今滄溟少年痛哭亦奚以老
兵大醉誰能醒先生不食五侯鯖先生大笑傾醪
醺燈下機聲響閨閣風前蘭露盈堦庭玉趾朱顏
何靜好無須採菊榮頽齡世事久拚澆白墮壯心
況未寒青萍悲風老驥自喧櫪昂霄野鶴長梳翎
飯牛行歌白石粲釣魚莫厭磻溪腥秋來擬汎樅

江舫南飛之鶴聲堪聽曲終更進橋上履松花試
掃山間局

宗白刺舌血寫經

芭蕉寒透石林霜爲錄靈文閉竹房合是髓枯驚
帝釋將無臂斷擬神光微微花雨香衣毳點點丹
霞印筆床共解廣長多寶相墨池真欲陋鍾王

張紹和孝廉過訪學稼山堂依韻賦答

金門久矣謝簪纓大隱清漳漳水清虎觀經應橫
左席雞林賈亦艷高名懷人星駕來千里敲月山

詠懷堂詩

外集

甲部

二十五

堂欲二更淡夜樵蘇無可薦閒馮猿鶴作將迎

其二

指點桃花問索居蓬蒿一徑亦無餘別來明月梁
頻滿何意深林屐不疎浮白盡傾家釀酒殺青細
較住山書東臯禾黍東籬菊農圃吾何媿不如

石門秋汎無題

慵向官家乞鏡湖自揜小艇問羅敷遠山秋水渾
無賴得似卿卿眉色無

其二

宛轉琴心動畫船
蒹葭秋水白如煙
兒家住在橫塘曲
夜夜吳歛唱採蓮

其三

慵逐紅塵墮馬粧
琵琶獨撥上孤航
湖邊定有鴛鴦睡
子夜歌喉漫繞梁

其四

波心燕語亦呢喃
小尾雙雙故掠帆
正倚蓬窓微笑處
香泥忽濺杏紅衫

依韵答錢虎仲春日見懷

春氣新暄上巳餘。野畦香滿菜花初。江雲罨樹晴猶濕。岼柳綿煙淡復疎。水近鳬鷺長暱檻。雨勻暘圃各尊鋤。板輿采菽能爲供。潘令誰云遜不如。

其二

故園煙柳繫予思。斗酒雙柑正此時。除日懶翻朝士籍。俸錢平付友人支。看雲寤寐通江閣。憶竹平安訊露枝。籬落種花巾漉酒。真嫌陶令賦歸遲。

其三

書生肉食敢籌邊。久負雲霄侍從班。憂杞戈難揮

落日採薇屐欲趁晴山。娛親試覓田家樂。佞佛還貪丈室閒。兀坐無勞形問影。置身全在不材間。

其四

清池蘋藻正斑斑。小築茅亭灌木間。月下琴聲響齋閣。雨餘苔色映門關。徑存松菊難鋤傲。石有藤蘿可恕頑。何日腰鎌隨老圃。繁花惡竹與君刪。

竹下同劉樗隱張損之對局

環齋綠玉隱森森。細剔繁枝透遠岑。月令箋書粘戶牖。山泉竹導至園林。季鷹蓴菜情偏洽。劉尹茗

柯理亦深艸閣疎簾清似水此中橘境暫相尋

新秋招殷徵卿過山齋回譚楚中山水之可

遊者

秋氣還林薄悠然動遠思因招江上客閒賭竹邊
棋雨後籬花潤風前絺服疑塵情渾欲盡微諷漣
陽詩

其二

芳艸滄洲上秋知綠映舟幾隨浮客棹共作漢臯
遊花覆羅含宅江清庾亮樓宜城多美釀莫不貫

鵲表

山居同徵卿偉長共賦

荆扉農節不令闕。荷蓀携壺任往還。竹塲兼旬苔
每厚。松風入枕夢多閒。論文漸罄盈樽酒。乘月徐
登傍宅山。浮渡石蓮聞更長。幾時屐齒印花班。

其二

高話羲皇到日西。山翁互答不相疑。偶聞遙浦傳
漁唱。坐見村煙動晚炊。歸鳥漸喧遶竹徑。閒魚自
躍野萍池。荒廚已貯賢人酒。候月升林酌每遲。

其三

秋陰雲氣滿村居。爲愛婆婆樹繞廬。小婦藥欄閒
鬪鴨。村僮荷葉漫包魚。竹聲報雨涼歸枕。菜甲連
畦味入鉤。酒後放歌山月出。清光遙映一床書。

其四

雨餘山氣始微秋。桐露庭中冉冉稠。抱石每疑雲
翳蒂。映花微見月如鉤。竹深不礙山雞舞。露冷惟
供野鶴愁。擬共同心扈離芷。空江釀酒祝靈修。

宗白結夏海嶽菴訊之

遙知杯渡處北固卧秋雲久客別山月歸飛趁
羣瀘泉水蟲活讀律夜香聞來就東籬菊叢深待
爾分

其二

海門秋欲半瓢笠尚何依積徑苔應厚映簾花已
微艸喧蟲領月松響鶴臨扉蘆荻滄洲滿無煩杖
錫歸

江上送張揚伯憲副繇楚之粵西任

槎邊楓色映江臯酌酒爲酬魂夢勞素影杯流天

詠懷堂詩

外集

甲部

二十九

柱月秋聲句挾廣陵濤仙樓舊蹟能招鶴徭峒新
傳欲旅檠枝戟百蠻羅拜畢憑君痛飲讀離騷

其二

清秋驛路繞瀟湘畫隼遙迎嶺桂香鄂渚尚傳棠
滿樹庾樓莫負月盈床雞林賈識詞人墨象郡氛
銷法吏霜聞說椰漿堪釀酒可分升榼到江鄉

村翁見招止之飲

村居容晏起乃見秋林閒夢聞剝啄聲野老來叩
關告我家釀熟又云山月還邀我過其廬爲破苔

薛班余感此意真坐對怡心顏射魚芙蓉陂稻夏
藤花間共罄床頭樽閒眺籬門山卽此邁羲皇世
人何足攀

徐仲衡文學過訪

村徑秋雲碧蘿柴車何路得相過幽栖欸客惟
看竹卒歲謀生有荷蓑放鶴青田宵聽唳飯牛白
石旦聞歌廚貧高士知無哂黃葉山齋薦晚禾

答黃四長客楚書訊

秋聲警羣木想見步兵廬賤子已謝客故人還寄

書帛遲湘浦雁鉞冷武昌魚但飲樽中酒無爲賦

索居

山居微拈上人從江上過訪

晴江峰影望清芬隱隱鐘聲夢裏聞出世蓮花能不染入林橡栗且相分蓼香吹水鴈啼月松葉漫坪鶴喚雲巖下一龕聊止宿莫嫌空翠太氤氲

重九前二日馬時良宮詹繇楚履南院任

楚江楓映鴈天霞到處門生擁絳紗帆載庾公樓上月舟經陶令宅送花碧腴滿瓮醅初熟黃纈敷

林樹已嘉且辨茱萸供插鬢白門何必遠聽鴉
良曾主楚試

其二

白下官閒勝隱居石渠亦可賦焚魚畱賓廣製平
津被訪客時乘下澤車奇字如蠅勞指點名山列
翠藉吹噓龍江卽有非熊載何必南陽下雀書

同前之弟宿平等菴看月

疎鐘隱隱動寒潭初地青蓮好共探野菊叢生皆
廢圃閒雲長住卽精籃月臨霜夕光彌縱酒照青

燈意更酣不寐始知禪室冷掩扉聊與隔秋嵐

賦得寒燈靜淡屋

園林值秋暝夜氣更幽窈室邃寂軒窓人閒罷吟
嘯羣動入晦息孤燈耿相照壁影定菊情繁聲聽
花笑檐間鳥夢安籬明鶴行悄沉冥爾時心寒潭
與相肖涼月印空明吹萬息霜篠

初冬集多寶菴得林字

蘭若去城不咫尺竹樹邃複同幽岑野畦隨意吐
殘菜高枝犯月能宵吟余欲秋杪快登陟屢苦山

雨長陰霑節候此時倍蕭瑟壺觴不憚相招尋潭
間靜水白自照籬外寒山青復深入社都無謝客
輩開士俱如支道林佛香頻續不令散茗枕旣罄
還爲斟施臺直欲分鳥食松寮何但投華簪柴門
磴礪不遽別因翻積葉喧栖禽

秋日坐宗白竹房過止水菩提蘭若

偶來逢解制良話款柴荆竹響度山雨蟬鳴矜晚
晴汲泉嘗澹旨挂笠識閒情起眎秋林外空江月
已生

其二

鳴磬翠微間人同秋樹閒籬邊漁曝網塔外雨晴
山以我入林意依君杖錫還明燈看黃葉幽興與
相關

百子山別業

谷口雲深處風傳樵斧喧嵐開微辨路林接自爲
村人與山狽習家推穡事尊等閒門徑艸眠虎跡
猶存

其二

生計屬樵漁茲峰淡可居響雲千嶂瀑媚水百花
廬社薦迎神酒山藏種樹書歲寒長閉戶慵爲整
柴車

其三

霏霏連曉暮嵐翠降檐楹足寄東籬適還躬南畝
耕煙霜寒日氣松枯亂谿聲笑看閒原上山禽繞
犢行

其四

霜坪黃葉路不隱鹿麋蹤轉谷石微却遮門雲數

詠懷堂詩

外集

甲部

三十三

重古藤閒掛月虛壑靜傳鐘晚集山燈下依依話
老農

其五

遯跡湖山曲遂令幽事親閒田晴範土野渚靜浮
綸雲外聞鐘動峰前與寺隣霜枝攢竹屋戶戶等
秦民

其六

瀑水當軒落清音動艸堂衣能紉薜荔居直割柴
桑門胥流雲跡池生積葉香塵情不到處幽夢石

長

萬松菴

香臺人境外隱隱遞疎鐘漸覺水聲泯始徵嵐氣
濃燒廚多澗藥釀蜜護畦蜂木客栖何處林間或
可逢

喜張鳴玉自白下至爲葺菴園

雙雀盤雲起知君到艸堂聞猿秋浦月隨雁秣陵
霜就竹支書閣欺花置石梁肯令休沐勝獨說午
橋莊

詠懷堂詩

外集

甲部

三十四

喜何舅悌孝廉見訪回讀其遊匡廬詩

思君看海月閒照薜蘿心
杏苑行相待茅齋還見
尋寒濤湓口聒空翠石門淡一達清音理霜途恣
苦吟

其二

有美南宮彥梅花引咏新弱齡名已著萬卷家仍
貧抱策謁明主停車尋故人霞情映林壑幽谷
已先春

留別大方豹叔

谷口暫相別，憶君魂夢勞。汲泉井花濕，映諷雪痕高。
高山崔嵬奇，字秋鶉戀繻袍。明時當側席，莫便註離騷。

其二

寒知罷採薇，歲晏偃荆扉。臘酒清醪，自酌江花春又飛。
對之理吟嘯，可以謝輕肥。月夕山園，暝煙中聽鳥歸。

寄訊張揚伯憲副學

霜落灘江水，更清煙林幾曲度。鴻聲閒招蠻，長詢

風俗遍鑿星巖注姓名虎落燈淡聞夜織蛋人漁
罷理刀耕伏波銅柱今荒艸扼塞須君五字城

同大方損之長子叔衡之兄集之弟素園得

威字

人間共採薇酒熟掩山扉林外江帆度煙中野鵲
飛初弦銜月影勁葉略霜威更聽畱歡曲迷花詎
肯歸

社集大方酒可齋得廻字

雪後蓬蒿徑偶開香車亦爲問奇來清樽刻羽聞

桃葉溪夜燒燈剝芋魁。江鴈啼沙霜漸落。山禽噪
樹月初迴。寒林澹澹滋芳意。高咏能無動標梅。

村晏

田舍歲云闌。鉉基滿戶間。濕烟低繞屋。寒日薄籠
山。汲井氣常煖。喧村鼓不閒。夜溪念僮僕。輸稅返
柴關。

輓會稽太守齊越石先生

秋山雲樹正相望。吊鶴何時下艸堂。維帝欲收河
嶽氣。伊人遂歇蕙蘭芳。留餘糾曲千林筴。象剩成

都數畝桑尚育平生蝌蚪字離離芸閣散餘香

其二

夙管心期愜德隣慈恩詩酒杏園春
初衣久遂雲中卧奇服翻爲帝所賓
官過賈生寧歎詘男方陶令豈辭貧
龍眠秋露滋瑤艸煙駕知君賦采真

歲晏荅密觀見訪

結宇青蓮出世氛銜花麋鹿自爲羣
鐘聲靜響千峰雪澗水寒流幾道雲
夜就山燈縫戒衲閒標指月映靈文
冰條漸解林香動春氣還從寶地分

出山詩

崇禎元年春

敬承

休命趣守舊官脂車首途爰賦斯

作

伊余耿震尚作息依幽岑鼎實慎自保朱紱非所
欽四時守玄序萬念休長林白雲停我岡蘭菊佩
我襟鳥雀翔我廬朝夕遺之音稼穡藉僮僕井稅
則我任永矢賁丘園無令塵冕侵晶晶天宇曙習
習惠風吟野情正歡豫休命乃將臨眷此休命
嘉青陽啓重蟄墉隼倏電驅達鴻漸雲集遂廻蜚

遜思黽勉簡書及宛雜何煌煌南陔固已習榮木
耀春園朱蕢被庭隰飭彼車上巾媿此籬間笠婉
詞別農圃菊松煩代葺行頌天保章卽賡考槃什
秋色佳千峰期與歸雲入

晚次舒城全程搏仲張損之衡之兄前之弟
夜酌

春煙繞桑柘于此問征軒野渡水漸活燈宵市火
繁梅知攢水曲月定照山樊共有江鄉思誰能負
一樽

寄訊游肩生侍御客石頭城

數載竄江城江花幾見春蕙蘭尋楚服雨雪滯孤
臣日積思親淚天畱報國身篋中傳諫艸曾徙
漢家薪

其二

石城芳意動君去探梅花歸雁迷春雪啼鳥徹曙
霞明庭行側席遷客詎還家試就長千里聽宣北
闕麻

次臨淮楚友曹長卿自石城來送賦別

天山虜騎盈太白，亘邊城國老苦無策。書生偏請
纓，金隨收駿散弓爲射。鵬鳴迴望晴川艸空傳鼓
吏名。

其二

折柳過淮西，聽余班馬嘶。楚臣香滿佩，山驛雨聞
雞。遙夜飲春酒，殘星點坂泥。江鄉蘭芷候，別爾意
俱迷。

寒食雨

久客知天候，寒微春雨滋。垂垂雲被野，晶晶水生

陂戶聞龍蛇火巢營乳鵲枝陽和方布節不是四
愁時

大店驛別搏仲社兄

搏仲授經此地

客裏復何別板條古驛前柳吹淮甸雨杏坼講壇
煙極目歸鴻影長謠芳艸篇遙知修禊日歌咏動
春泉

彭城東史倉曹蓋卿

舉世競榮利伊人遵蹇拙通籍三十年一官長
黻
躋縕袍衣弗恥藥碗貧自啜廣陵食貨區雄麗今

古絕花光亘霞上歌鐘窮曙撤而子讀書堂薜蘿
垂古雪狐寒藉酒溫羅閒恣鳥蝶白華孺慕深餘
芳澹何悅初服寄煙霄除書至雲臬執戟再爲郎
屢敦方就列遙遙塵隱天噫噫蜩鳴葉白日慄心
竄端居廢言啞誰能長串羈堅以謝緇涅朝辭雲
陛旗暮秉徐方節徐方苦昏墊氣象如鴻荒空城
鬪魚斃曠野稀牛羊抱關亦勞止握算增慨慷冰
沙冬復春溝壑氓與商舟車日夕交隸卒多流亡
三值藩節經供億敢弗臧念子茹百荼不第空簞

筐妻拏日以譴英聲日以揚余方之舊官問津河
水傍春條感手扳臘酒臨路香對酒放心神四矚
天宇光麗日甸前照祥雲川上翔虞門啓玄籥禹
會集春王勗子土壤心貢此五色章天衢爲君亨
寧復咨馮唐

寄懷劉敬仲秉憲曹州

嶽色靜且寒河流澹方皓東風吹我心夢見河邊
艸吾子滏陽英冲融稱國寶秉憲肅東方懸象日
初杲荒聞偃邑賢品預山公藻秋霜警蒺藜春煙

亂桑棗政平人自和。訟聞鳥歸早。對酒每長詮。翻
書則幽討。皇路告清夷。妍芳易枯稿。時康仕學兼。
能令懷抱好。土風革蟬蛸。聖德歌天保。詎使長
居東袞還。赴京鎬。

過廣川飲謝奉常青墩園中

奉常正居廬

東來淑氣動平蕪。每憶芳池景物敷。練馬辦應窮

日觀。天人策久著江都。

德州董仲舒故里

月。淒庭樹。慈鳥

止。風捲門羅。野雀娛姑孰。青山春並冶。知君夢亦
到菰蘆。

其二

晴瞻嶽色憶車前。藹藹鮮雲映廣川。三觀曙霞升
海氣。一時甲拆遍林泉。山杯醉買平原酒。春夜燈
分太乙煙。同是曲臺留滯客。時清正好著封禪。

訊范奉常質公廬居

艸木悅春氣灼灼弄芳華。柳乘鮮雨滋蕙就溫土。
芽天地何其仁。鳥獸咸孔嘉。余亦感余執遙矚川。
上霞素節砥冰霰。靜眼嗤塵沙。勇辭卿月輝。澹植
山園花。舉世冠嗟峨。而子方衣麻。豐屋競四隣。子

門還啼鴉鴉啼亦何苦麻衣竟如雪豈不艷輕肥
義難忍緇涅綈袍以御寒飢塵聊自啜洗耳河流
清沐髮晞陽揭幽夢通 明廷起居厯朝列平生
舟楫心寧爲時康輟余方解碧蘿華簪步時哲先
期戾短翰爲君導雲翮

寄訊白瑕仲山中

雲卧寄何峰琴樽近亦慵一壇杏花發雙袖橘香
濃月出聞山狖宵淡集露蛩秋懷知莫寓况聽隔
溪鐘

讀吳師每倪鴻寶爲質公賦古盤吟因作歌
繡硯齋前竹領雲齋中圖史如蘭薰主人宴客晝
兼夜嬌歌失憶春宵分燭花細剪西窓碧茗飲亦
爲傾一石古盤擎出滲古光秋水氷霞冷相射此
盤見獲聞甚奇云際方春驚蟄時園丁破土發羣
卉揮鋤中之仍無虧埋藏那復窮其故睢盱定肴
精靈護甕中魚藻爛花紋赤磧青泥兩難蠹夢章
英聲振北海昔時瑚璉居然在磷緇肯受風塵欺
餽饌將無噍真幸因珍此器長摩娑器亦資之永

不磨明堂會須持薦玉山禾噫嘻乎延陵大夫稽
山太史且莫頌當聽江東步兵阮生來作歌

信宿質公繡硯齋賦別

屢就高軒榻知君古誼敦春星動遙集蘿月透深
痕帙蠹將芸辟窗風藉竹存情真驗僮僕下食意
俱溫

荷露歌爲質公歌兒賦戲作長吉體

銀浦沉深煖雲膩錦魚翻波掠荷戲清露淋漓不
可收嬌風射人人欲醉漫葉離離學啼眼玉鳳香

聲絲綽轉。彈情惹恨無端倪。使我雙眉不能結。廣
川才子金閨客。九天手劈麒麟繼。棗昏榆睡動長
噫。卧破梨花餌春雪。冰趺翠葆嗤青泥。的的明珠
萬葉齊。藕絲接腸唾芳霧。桃笙貼夢蟠晴霓。天不
荒地莫老。花海人間春浩浩。閒搖鸞尾刷雲樓。照
見南山石芝好。

過雄縣堤上

春淀難爲涉。悠悠客思盈。居人理魚笱。旅飯禱蓴
羹。浦靜宜鷗汎。風暄迫艸生。迴思漁隱處。江水幾

灣平

崔饑仲宰易陽有善政兼讀其諸刻

茂宰需才子風流入共賢琴鳴秋水思花漲夕陽
煙仁政鳧魚領文符井里傳此邦遊俠窟香令獨
能仙

其二

梁苑推英藪如君美信稀能將讀書法種取縣花
飛陌煖徭桑茂春深壟麥肥是郊真樂土鴻雁復
何歸

宴鹿菴相國西郊杼居

朝英營物外，築館俯清泉。理亦預疏鑿，游能偕聖
僊。盤匱羅水碧，徒御動山煙。不羨城南曲，空瞻尺
五天。

其二

樓居升水氣，澹澹映春叢。頓覺耳目適，遂令心地
空。香光浮艸樹，刻畫到霓虹。勝地應千載，青山倚
謝公。

其三

詠懷堂詩

外集

甲部

浩劫塵沙遠，全時魚鳥親。
詩書修我法，花水隱秦人。
潤幄欣雲至，遮檐驗柳新。
酒醒坐磐石，迎月更垂綸。

其四

舉目誰長物，軒開雲滿山。
窪田催種蛤，稚子囑調鵬。
門館無私覲，方書有大還。
青春稱辟穀，仙骨詎令孱。

其五

上相駐柴車，村翁話起予。
乘春飯蕨，犂擊水聚馴。

魚靜覺行生會誰言經濟疎翻愁渭濱獵物色還
樵漁

其六

煙水依依處時看白鳥飛閒情雲共卧靈境世應
稀登戶泉聲聒映簾山色微江鄉此何異遊客宛
如歸

劉燕及先生招飲梅川四高樓

朱甍粉堞水邊樓樓上琴聲興更幽縱是天供閒
景物也須人闢好林丘頻開白墮觴賓客便拜青

詠懷堂詩

甲部終
四十五

山作督郵。宴客竟忘歸路。暝小橋列炬聽鳴騶。

過閔汶水茗飲

茗隱從知歲月澆。幽人斗室卽孤岑。微言亦預真
長理。小酌聊澄謝客心。靜泛青瓷流乳雪。晴敲白
石沸潮音。對君殊覺壺觴俗。別有清機轉竹林。

詠懷堂詩外集

甲部終